

Aruba ta firma un 'MoU' cu Florida Caribbean Cruise Association

ORANJESTAD - Aruba un biaha mas a ricibi un delegacion importante di Florida Caribbean Cruise Association (FCCA). Meta di e bishita tabata pa cera un 'Memorandum of Understanding' (MoU) caminda Ministro di Turismo y ATA a firma cu FCCA, kende ta compromete su mes na asisti Aruba den promove atraccion di mas barco y bishitante pa Aruba durante 'low season', pero tambe di yuda pensa y asisti un data aplicabel den atraccion di turismo crucero pa Aruba for di Centro y Sur America.

Aruba Tourism Authority,

como tambe Ministerio di Turismo y APA lo continua na extende incentivos na pa asina stimula atraccion durante 'low season', y tambe lo evalua programanan pa asina genera mas negoshi pa Aruba for di no solamente Norte America, pero tambe por ehempel for di Centro y Sur America. Florida Caribbean Cruise Association lo comparti y splica e oferta aki na tur su miembronan, cual ta e linea nan crucero mas grandi pa Caribe (practicamente tur grandi den Caribe) y lo colabora cu ideanan cu lo por stimula yegada di mas barco

y bishitante crucero.

Durante e bishita cortico di e delegacion di FCCA nan a haya e oportunidad di disfruta di un tour riba nos 'tram double-decker' caminda personalmente nan por a constata e progreso tocante desaroyonan cu a tuma luga (desde e ultimo biaha cu nan a bishita Aruba (2012) y cu ta den proceso pa enriquece y amplia e experiencia di nos turistanan, naturalmente esunnan cu ta bishita nos riba barco crucero tambe. Durante un presentacion den e Expo Hall na final di caya grandi, e delegacion a haya un splicacion completo di e diferente proyectonan di gobierno di Aruba. Alabes a haci uzo di e oportunidad pa concretisa e MoU cual a ser firma pa Ministro di Turismo, Transporte y Labor Sr. Otmar Oduber, CEO di Aruba Tourism Authority Sra. Ronella Tjin Asjoe-Croes, y Presidente di FCCA Sra. Michelle Paige. Sr. Alfonso



Boekhoudt, director di Aruba Port Authority, tambe tabata presente y a forma parti di e participantenan di e rueda di prensa cu a tuma luga den Expo Hall. E delegacion di Florida Caribbean Cruise Association cu tambe a forma parti di e rueda di prensa cu a consisti di Michelle Paige Presidente (FCCA), Steve Nielsen Vice Presidente Shore Operations - Caribbean & Atlantic, Princess Cruises, Federico González-Denton Director

Government Relations Latin America, Caribbean & Asia, Royal Caribbean Cruises y finalmente Colin Murphy cu ta Vice Presidente di Destination and Strategic Development di Norwegian Cruise Line. Myrna Jansen-Feliciano, Senior Policy Advisor di Ministro di Turismo, como tambe Gloria Vega Cruise & Niche Manager di ATA tambe tabata presente na un reunion cu a tuma luga prome cu e rueda di prensa. □

